

Jufrouw Engelbrecht 25 aña como maestra

ORANJESTAD(AAN)- Awe jufrouw Yvonne Engelbrecht ta recorda cu 25 aña pasa el a cuminsa traha como onderwijzeres, despues cu el a slaag na Rijksweekschool di Amersfoort na Hulanda.

Den e 25 añanan, sra. Engelbrecht a sirbi enseñanza na diferente lugar y schoolnan. Esey a dune un experiencia hopi amplia.

Fuera di school basico, sra. Engelbrecht, a duna les tambe na schoolnan avanza manera MAVO, ETAO, MTS, LTS y Avondmavo.

Di e 25 añanan, jufrouw Engelbrecht a traha 2 aña den 2 otro parti di reino, esta Hulanda y Curacao.

Jufrouw Engelbrecht ta trahando al momento na Reina Beatrix School, cu ta desea jufrouw Yvonne hopi aña mas den enseñando haciendo e trabao cu tanto e ta stima.

Segun jufrouw Engelbrecht e



tin mas cu 25 aña siñando mucha. Di su 12 aña e tabata yuda na Zondagschool y di su 14 aña su hoofd na Mulo School, Sr. Hoekstra tabata

mande pa tene klas ora un jufrouw tabata malo den eerste of tweede klas. Un caluroso pabien ta bay di parti di tur su familiares y amistades.

Reunion general extra ordianrio di GABA

ORANJESTAD(AAN)- Directiva di GABA ta invita tur su miembronan pa asisti na un reunion general extra ordinario cual ta stipula pa tuma lugar dia 1 di October 1988 pa 10'or di mainta na Connie Francis Club.

E reunion general extra ordinario ta worde yama a base di Statuut Art. 12 lid. A. Como puntonan di agenda ta

asuntunan di asegurado, asunto di 55 aña, asunto di V.U.T., palabra liber, clausura.

Si pa e ora stipula no tin e cantidad di miembronan presente manera ta stipula den Art. 10 di Statuut e reunion ta worde geschorst y ta worde convoca di nobo pa tuma lugar mei ora despues cu e mesun puntonan di agenda y cu e cantidad di miembronan cu tin presente.

Curso di adornonan di pasco

ORANJESTAD(AAN)- Fundacion Muher y trabao ta avisa tur interesadonan cu e curso di obra di man ta cuminsa otro siman Diamars dia 3 y Diahuebs dia 6 di October.

Lo traha adornonan di Pasco y e cantidad di inscripcion ta

limita.

E cursonan aki lo ser duna den Biblioteca Nacional di 7'or pa 9'or di anochi. Interesadonan por yama na telefoon 32618.

Pa dia 6, 7, 8 November lo bay tin un curso mas avanza. Mas informacion lo bay tin despues.

Reunion di secretarianan

ORANJESTAD(AAN)- Un recordatorio ta bay na tur secretaria miembro di Aruba Secretaries Association pa asisti na e reunion general di miembros Diadomingo 2 di Oc-

tober 1988. Esaki lo tuma lugar pa 10'or di mainta na Hotel Concorde.

Envista di e informacionnan importante pa e aña fiscal 88/89 presencia di tur miembro ta worde aprecia.

Persona di contacto ta Sra. Carla Paris-Arends, na tel. 33754 oficina of 23760 na cas.

The Alimah Aruba den
Bon Bini Festival

ORANJESTAD(AAN)- Diamars 4 di October lo bay tuma lugar e ya conocido Bon Bini Festival na Fort Zoutman.

Lo bay tin presentacion di e grupo di baile "The Alimah Aruba" y grupo tipico Arubano lo tey como animacion musical.

E acostumbrado stands di artesania, cos dushi, cushina, coco y e bar di Americana Hotel tambe lo ta presente.

bon Bini Festival ta cuminsa pa 6.30 te cu 8.30 p.m y henter pueblo di Aruba ta keda cordialmente invita pa presencia e tremendo presentacionnan.

NEW HONG KONG STORE

a caba di ricibi bunita cuarta den diferente estilo. Paña pa damas, caballeros, y mucha, varios articulon pa cas. Tambe bo por savoria un refresco of malta despues di compras. Duna nos un bishita.




WEEK-END BONUS

Spt. 30 & Oct. 1
150% CASH DISCOUNT
Fans
Fertilizers
Fishing Supplies
Fitness Equipment

BRENCHIE'S
Home Centers
O'stad & San Nicolas

Mercurius Trading Co.

TA ANUNCIA
CU DIALUNA DIA
3 OCTOBER 1988
NOS LO TA SERA
PA
INVENTARIO



Dr. Westrate Diaranzon anochi a tene un lectura den Biblioteca nacional tocante cuminda salud y mantencion di un bon cutis. Por ariba e foto cu tabata tin basta persona presente na e anochi informativo aki.